



Morero o mogolo wa letlole la go rola modiro ke go go fa mothopo wo o šireletšegilego wa letseno ge o rotše modiro. Le ge go le bjalo, dikete tša batho di ntšha tšhelete yeo ba di e bolokilego e sa le ka pela, e lego seo se ka beago bokamoso bja bona bja tša ditšhelete kotsing. Go bolela nnete, go phopholetšwa gore tšhelete ye ntši kudu yeo e ka bago **dipilione tše R78** e ntšhwa ka go tšwa tshepedišong ya go rola modiro ngwaga o mongwe le o mongwe.

Se ke seo se diragalago mo lebakeng le letelele:
Gobane batho gantši ba ntšha kgafetša kgafetša tšhelete yeo ba e boloketšego mohlant ge ba rola modiro nako le nako ge ba fetošā mešomo, **ke fela seo e ka bago 10% tša maloko a sekhwama tšeo di ka kgonago go swarelela mokgwa wa bona wa bjale wa bophelo ka morago ga go rola modiro.** Ijoo – seo e tloga e le persente yeo e lego tlase kudu!

Le ge go le bjalo Tshepedišo ya go Rola Modiro ya dipitšā Tše Pedi e rulaganyeditšwe go fetola se. **Go tloga ka la 1 Setemere 2024, letšatšikgwe di leo le šišintšwego la go tsenywa tirišong ga tshepedišo ye e mpsha,** tšhelete yeo o e lefelago mo letloleng la go rola modiro mo išago e tlile go arolwa gore e be ka tsela yeo e latelago:

- Karolo ya Polokelo
- Karolo ya go Rola Modiro, le
- Karolo ya Tšhelete yeo e Laolwago ke Bangwe (tšhelete yeo o e bolokilego ya go rola modiro ka se sebaka)

[Klika mo](#) bakeng sa kakaretšo yeo e tebilego ka ga dikarolo tše tše tharo.

A re lebelelang mehlala e mebedi ka mo tlase

Lunga

Lunga o na le mengwaga e 30 gomme o na le R50 000 mo dipolokelong tša gagwe tša tlogelo modiro. Ka la 31 Agostose 2024, 10% tša dipolokelo tša gagwe tša tlogelo modiro (R5 000) di tlile go fetišetšwa go Karolo ya gagwe ya Dipolokelo bjalo ka tšhelete ya pulo yeo e lego gona. Se se tlile go mo tlogela a na le R45 000 mo Karolong ya gagwe ya Tšhelete yeo e Laolwago ke Bangwe.



Ge go tsenywa tirišong Dipitšā Dipedi, Lunga a ka dira dilo tšeo di latelago ka R5 000 mo Karolo ya gagwe ya Dipolokelo:

- A ntšha tšhelete - o tla lefišwa lekgetho. Gape o tlile go lefišwa tefelo ya kgwebišano bakeng sa go ntšha tšhelete go lefelela ditshenyegelo tša tshepetšo.
- A e tlogela gore e tšwele pele go gola. A ka kgona go e fihlelela gatee ka ngwaga wa lekgetho bakeng sa maemo a tšhoganetšo a išago.
- A efoga go ntšha tšhelete go fihlela a rola modiro. Ge a rola modiro a ka kgetha go e hwetša e le bontši bja tšhelete (gomme e tla lefišwa lekgetho) goba a e tsenya go Karolo ya Tlogelo Modiro go reka phenšene.

Ge Lunga a fihlela nako ya go tlogela modiro, a ka:

- Diriša palomoka ya Dikarolo tša gagwe tše tharo go reka phenšene.
- Tšea Karolo ya gagwe ya Dipolokelo ka moka goba karolwana nngwe bjalo ka bontši bja tšhelete (o tla lefedišwa lekgetho) gomme a diriša Karolo ya Tlogelo Modiro go reka phenšene.
- Ge e le gore hlwahlwa ya Karolo ya Ditšhelete tša gagwe tšeo Di Laolwago ke Batho Bangwe yeo e swanetšego gore e be ya ngwaga ka ngwaga le Karolo ya gagwe ya Tlogelo Modiro di le ka tlase ga R165 000, a ka nna a ntšha hlwahlwa yohle.



Lee-Anne

Lee-Anne o na le mengwaga e 40. Ka se sebaka o na le R150 000 mo dipolokelong tša gagwe tša tlogelo modiro.

O fetola mošomo ka Julae 2024 gomme a ntšha tšhelete ya gagwe yohle ya dipolokelo tša tlogelo modiro. Gomme bjale o swanetše go thoma leswa go boloka.

Ka la 1 Setemere 2024, o na le R4 000 mo dipolokelong tša gagwe tša tlogelo modiro. 10% tša tšhelete ye (R400) di tlile go fetišetšwa go Karolo ya gagwe ya Dipolokelo ka la 31 Agosetose 2024.

Lee-Anne o nyaka go ntšha tšhelete go tšwa go Karolo ya gagwe ya Dipolokelo bakeng sa tšhoganetšo ka Setemere 2024. A ka se kgone go dira bjalo ka ge bonnyane bja tšhelete yeo e ka ntšhwago e le R2 000, gomme tšhelete yeo e tla bego e šetše e le ka tlase ga (R400) ye.

Ka Disemere 2024, Lee-Anne o ba le tšhoganetšo. Tšhelete yeo e šetšego mo Karolong ya gagwe ya Dipolokelo bjale ke R2 400 gomme o ntšha R2 400 go tšwa Karolong ya gagwe ya Dipolokelo. Le ge go le bjalo, ka tlase ga Dipitšā Dipedi, tšhelete yeo Lee-Anne a tlogo go e hwetša sa mannete ka morago ga motšhelo le ditefelo tša tshepetšo go na le kgonagalo ya go ba ka tlase ga R2 400. A ka se kgone go ka ntšha tšhelete gape go fihlela ngwageng o latelago wa lekgetho, se se bolela gore ka la 1 Matšhe 2025.



Lee-Anne o adima go tšwa go bokamosong bja gagwe. Go ntšha tšhelete go tšwa karolong ya gagwe ya Dipolokelo go bolela gore o tla hwetša bontši bja tšhelete bjo fokotšegilego (mmogo le kgolo mo go yona) mo nakong ya ge a tlogela modiro.

Mabaka a 3 gobaneng re go hlohleletša kudu goreo ikgafe dinepong tša go bolokela mohlant go rola modiro:

01

Go swarelela mokgwa wa gago wa bophelo

Ga go bonagale gore Thušo ya Botšofadi (ga bjale e le R2 180) e tla lekana go lefelela ditshenyegelo tša gago ka moka ge o rotše modiro. O tlile go hloka matlole a tlaleletšo gore o kgone go phela ka boiketlo le go swarelela mokgwa wa bophelo wo o o tla waetšego.

02

Peeletšo e kgolo go di phala ka moka

Poloko ya gago ya letlole la go rola modiro e tloga e le ye nngwe ya dipeeletšo tše kaone tšeo o tlogo go di dira – e swanetše go gola ka poelo ya peeletšo ge nako e dutše e sepela, seo se bolela gore ge dipolokelo tša gago di beeditšwe nako ye telele, ke moo o swanetšego go bona kgolo ye ntši!

03

Batho ba phela nako e telele

Go rola modiro ke kgato ya bophelo yeo e ka nnago ya tšea mengwaga e 30! Ga re nyake gore ikhwetše o phela go feta seo o se boloketšego mohlant go rotše modiro.

O SEKE WA LEBALA GO INGWADIŠA MO DIKANALENG TŠA RENA TŠA TITŠITHALE

Re nyaka go dira gore tshepedišo ya dikleime tša titšithale ya go ntšha tšhelete e be ya ka goba le bonolo ka mo go kgonegano. Go re thuša go dira se, re kgopela gore o netefatše gore re na le dintlha tša gago tše nepagetšego tša go ikgokaganya le wena.

O ka nna wa mpshafatša tshedimošo ya gago ya go ikgokaganya le wena ka:
» Old Mutual App (yeo e lego gona mo go [Android](#) le [iOS](#)), goba
» [Secure Services](#) ([Klika mo](#) go bona ditaelo tša go ingwadiša ka botlalo)



Go fihlelela SuperFund mo go WhatsApp, skena khoutu ya QR ka mo go la ngele goba o boloke 0860 933 333 bjalo ka kgokagano. Gomme, romela "Hi" mo go WhatsApp.

Ithute tše dingwe gape ka ga Dipitšā Dipedi ka go etela www.oldmutual.co.za/two-pot-retirement-system

Bala tsebošo ya rena ya bjale ya Dipitšā Dipedi ka polelo ya gago:

[English](#) | [IsiXhosa](#) | [IsiZulu](#) | [Sesotho](#) | [Sepedi](#) | [Afrikaans](#)